



叙丁吏部文選全集



海虞之有南湖丁公也

余幼

嘗讀其緒經述史之作竊嚮

慕之既登虞山，浸於湖，

之南里人稱其世所居處因





得以悉其行藏而索留稿讀  
之即未覩其全已不覺神臉  
俱馳前輩風軌卓然道隱於  
菰蘆中者盈三目睫矣今公  
之玄孫孺端收其逸稿合而

校梓之曰吏部文選眎余讀  
竟廼益知公之品格高標遇  
意特遠雖托篇什以宣洩性  
真之蘊非借幽棲以預規篇  
什之傳也見謂詞家稱哲匠



鴻才靡不上睨先秦漢魏卑  
卑乎晉唐以下如優孟之抵  
掌效叔敖而以斯求公厥覲  
淺矣公之母在也避權璫而  
乞南曹以吏隱公之母亡也

堅志節而指湖山以作盟意  
觸斯鳴與群籟俱發脩短各  
適諷有餘聲如曰古聖先賢  
管不得無窮宇宙又曰幾微  
苟有得瞬息皆良辰蓋公之



內境不滓外垢不染洒然天  
遊之趣溢於藻蕪以自完其  
真俾子以千旌無得而物色  
之謂今之古人非耶彼哉沒  
身於世味者可以風矣是集

也有賢孫善述以存之有先  
達信筆以揚之而蔣直指之  
摹寫更切矧進士之叙事逼  
真足載人耳目公誠不朽矣  
余至是始喜睹公之全以畢



五十餘年嚮慕私衷因復為  
之序

萬曆甲辰秋孟太原王錫爵

撰



吏部南湖丁先生文選序

不佞兒時則聞先文懿稱南湖

丁先生云先生少負奇韻博極

群書舞象時儼然學究也弱冠

即成進士高第擢皇華使以弗



便養母辭拜陪都選部主政尋  
以內艱歸讀禮之暇稍一挾不  
律脩故步而名馳海內丐文者  
無虛日矣服闋母弟家宰陸公  
完并諸臺諫屢疏起

毅皇帝以文選正郎台之先生不  
赴為梅福舉人謂先生避權璫  
之禍抑豈知其烟霞痼癖有以  
留之既隱湖濱構小樓日居其中  
絕不與牽黃臂蒼之事惟詩酒



自娛雅意著作所著有通鑑贊  
斷四書五經臆言閩史迂論等  
書行于世闡悉理奧品騰今古為  
後學宗匠閱今六十餘載而南湖  
先生之名噴之口耳歲甲辰不佞

方在苦次余友文學舍藥丁君  
持先生藁曰此曾祖南湖公文  
選也曾祖平生所為詩文有留  
稿逸稿二集向嘗托文懿公為  
云晏先生矣歲久散逸而四方



索籍者踵至余子孺端合二稿  
而梓之以傳而復托之晏于子  
夫不佞斬焉衰經安事鉛槧為  
乃不佞受而卒業之其性情藪  
于詩而風世之道寓焉其論議  
矢於文而經世之道載焉其典  
故談於賦記而叙事之體核焉  
至其脩詞則巧若承調弄丸勁  
若飛戈奮戟麗若繩珠編貝  
捷若駕風鞭霆鄭宏若張千



門立萬戶怪異若飛兔越山神  
魚超海千態萬狀令人應接不  
暇不佞鷺而奇之謂先生文懿之  
稱先生果不虛也矧其恬于仕  
宦哲於遠禍有林宗季鷹風而  
中年鼓盃終身不娶識且邁於  
尹吉甫諸人也其德誼允有以  
多者而僅文章乎哉遂援筆  
而矢其首以塞文學之請因以成  
先生懿之也如曰皇甫謐序三都



而三都賦藉以重也不佞則何敢  
賜進士第觀吏部政後學星  
卿瞿汝說頓首拜撰



丁吏部文選序

索讀吏部丁先生之集而曰非

吏部之集而柴桑香山二先生

之集也集吏部矣而曰柴桑香

山者何以其人其文之似柴桑



秀山也先生弱冠登第即志恬  
退謝差而執部謝北而就南其  
郎南曹時日借板輿萊綵以娛  
親而寔非其好親歿而一初投  
劾如棄敝蹤不聞太宰招不應  
諫垣薦歲之詔書星壁哉可光  
棟而南湖始有先生先生亦常  
有南湖矣當其時以其垂紳束  
帶者而供衽屐以其黃扉紫府  
者而供巖壑以其珥筆皂囊者



而供典墳以其天厨大官者而  
供筍簌以其鳴珂駕騶者而供  
杖屨以其五雉九扈在而供園  
翁溪友以其柴柵纏繳者而供  
達生齋物之親字讀其書想見

其韵如隱屋諸詩則柴柴歸去  
詞也家燕諸篇則柴柴俞子文  
也冢宰諸對則柴柴折腰語也  
尚湖等賦則香山池上篇也祝  
齒等文則香山齒落詞也至於



別居待盡諸吟咏公又柴桑所  
為自祭文與秀山所自銘其墓  
者也當柴桑之令彭澤終以十  
日香山雖官至少傳其間旅進  
旅退何日不盟泉石托嘲弄以

浮名為駒隙而先生自通籍至  
星冠首尾可七載年僅三十餘  
身視之柴桑甫有餘視之香山  
大山足高風亮節千秋輝映在  
晉為柴桑在唐為香山在明為



南湖誰得而軒輊位昂之哉嗚呼以紫素之子五人而皆不肖有孫以香山之矣而至不聞有子其生乎編纂副墨不過託於通都大邑之所傳載不朽列於兩先生遂有文孫錄遺編於既湮之後懸之國門藏之名山則又紫素香山之所無而先生之以獨有也蓋是集有二一則梓於先生之生前者曰留稿一則



出於先生之身後者曰遺稿存  
其玄孫孺端合二橐而彙成一  
帙揭名采摘拔其尤者梓之  
曰文選乃命予為之序余寔不  
久惟藉手以識其印止之私  
爾云

多其揄揚贊歎之詞則有方太  
丈薛奉常瞿宗伯之言在

時

大明萬曆甲辰孟夏朔日文林  
郎貴州道監察御史邑後學蔣



以化頊之持撰



南湖留稿序

明太史崑山方鵬撰

夫允文人韻客崛起一方者必有高山大川奠其地以鍾靈秀囿風氣而後其生人則卓異其寓目則昭曠其吐音則洪亮故曰其生也有自來非偶然也今常熟之虞山截業尚湖滄泓為揚域擅美厥惟舊矣而南湖丁公寔挺生其間公以明經舉進士歷官銓曹既迺遯于湖上結樓居以面山水日事清吟讀古人書與之上下其議論逾二十年興至即引觴放酌



一 身 音 文 選 前 序  
隨意所到援筆立就而篇章句什若夙構天成識者  
驚服蓋公自謝簪紱以來聲華勢利漠不關情惟一  
意著述故其為時文則雋雅為古文則雄健以至為  
賦為樂府為古詩律詩排律長篇絕句序記傳文論  
誌表狀贊頌銘誄哀詞書啓對說雜著詩作各成家  
數各有体裁而風格氣韻高視一時晚歲用意益深  
述作益富讐校之下視有不關世教不愜己志者多  
芟而火之其所存者雖短章絕句皆能膾炙人口嗚  
呼良工苦心茲留稿之所以名歟予嘗登公之樓覽

公之作而愛之迺再拜而請教矣公則指湖山而笑  
曰一睫之外何莫非詩吾所得者在是以無聲求有  
聲可笑予退而省公之篇章象公之意氣味公之言  
論則見其文采之秀拔鈞節之跌宕指義之宏深如  
高山峻嶺長江大河峙之則青霄疊巘爭竒競險流  
之則碧波無滓跳珠濺玉合之則雲影天光互相吞  
吐夫然後知公之所以抽英咀華落地作金石聲者  
湖山之靈實有以融結之也抑公之作斯稿也首之  
以賦虞山賦尚湖且極其膾寫形容之妙非有得于



一更書文選 前序  
心目之所熟識精神之所孚感而能若是乎然則湖  
山特孕公以洩靈而公則代湖山以言志而二賦者  
殆開詞緘而發文秘者歟公平生著述自時文而下  
有閱史迂論五經臆言通鑑贊斷等書皆無慮萬言  
類能發前人所未發已為好事者梓行矣然皆矩趨  
法步不能盡其才者而此稿則其縱轡橫奔出入繩  
墨大可為詞人典則雖傳之天下將無有弗愛而弗  
珍者矣噫公去而稿留留稿固所以留公也稿之行  
於時公之所以為不朽也昔人留三餘以屬後公則  
留一稿以貽子斯固均為賢達之卓見而其虛實有  
無之辨有終不能以彼易此者公與予同郡同科甲  
且訂世講之誼今公子健价任以公遺命委序於予  
予不得以無文辭矣稿為帙凡一十二卷為體凡三  
十二種云

肯

大明嘉靖癸卯孟春朔日謹序



南湖留稿序

明中憲大夫武進薛應旂撰

海虞丁南湖先生舉進士歷官南驗部郎中正德中以註誤去既諫垣白其事

詔復登用時值其舅氏陸水村位冢宰累遺書促之起先生辭不赴雅志藝文多所著述是稿蓋其一爾嘉靖壬寅秋介其友益齋趙子德光屬薛子為序薛子以吏冗未有以應也迨冬十二月先生歿矣薛子哀厥初誠義同掛劔乃作序曰夫文豈易言哉天垂



諸象地效諸形人顯諸言合而論之三才之道一故  
其文亦一也典謨風雅經緯上下人文至矣嗣是以  
還代有作者雖未盡追古昔並擬象形而各從其適  
固亦不害其為文也獨漢揚子雲唐柳子厚文章超  
詣設設與三代同風而失身喪檢君子羞稱繼其幽  
玄菁藻高標藝林瓊玉英華著聲辭園亦奚足論哉  
迺先生澹泊清脩遺落聲利鴻飛鳳翔山棲淵盟悠  
然物外詠歌徜徉五柳歸來無名自在視彼子雲子  
厚人品不徑庭耶矧其大篇短章體裁各具足為詞  
人典則信可傳也先生名奉字獻之南湖其所自號  
故題其稿云

昔

大明嘉靖癸卯季夏穀旦謹序



南湖逸稿序

明通議大夫禮部左侍郎邑人瞿景淳撰

夫文者道之華也得於道者深則其發于文也粹文固難言哉南湖丁先生有道士也雅好文藝初舉進士以養母故辭烏臺之職既典銓衡所可否士咸當公議人稱冰鑑後避權闕即掛冠隱於湖上銓宰招之不起諫院薦之不起悠然物外閉門著書所述作甚富當先生時梓行于世者不可殫數至有逸稿一帙伊子衡陽尹後涇携以示予且屬予序予觀其書



法度森嚴如龍虎鳥蛇布列於行陣之間意度閑雅如朱絃赤舄周旋於殿陛之上闕深雄放又如南湖之晴濤洞庭之駭浪洋洋乎不可狎翫也何以稱逸哉後涇曰因家無存稿散漫遺逸不肖留心剔訪或得之故舊或得之書畫或得之寺院山水間幾廿餘年方始成帙是稿而逸者今故錄之以為閒居之翫庶見逸稿如見吾親也嗟乎孝子於其親雖服玩嗜好之微猶謹守弗廢矧詩文為精神心術之所寓乎滄浪之歌萍實之謠一言合道猶為垂訓况公此稿無非載道之器正宜與諸集同垂罔極焉者可使其終逸也哉予故序之以廣其傳并以彰孝子不忍忘親之意云

肯

大明嘉靖己未季春穀旦謹序



南湖先生文選目錄

第一卷

賦

虞山賦

三角亭賦

達生賦

遊杭喜晴賦

第二 弔許汝登賦

七體

尚湖賦

竹里賦

南湖活宅賦

遊杭州西湖賦

南湖先生文選目錄



七勸

第二卷 稽古登越

擬古樂府 韻越

漢鏡歌 越

朱鷺亭 越

艾如張

越 戰城南

將進酒

南賦 去 芳樹 登 目 越

越 蘇 附 西 賦 越

南 賦 越 越

思悲翁

上之回

巫山高

君馬黃

古有所思行

聖人出

遠如期

公無渡河首

烏夜啼 越曲

長相思

關山月

採蓮曲

長安道

五雜組二首

五 胡無人

陌上桑 二首

立 雉子班

臨高臺 二首

石流 登 樂 曲

梁甫吟

行路難 二首

柳 前有樽酒行

鞠歌行

五 胡無人

陌上桑 二首

五 雜 組 二 首



獨不見

泣竹篇二首

第二投崖操

冒刃篇

擬 延陵操

真姬行

附雜題九首

關山月

遊湖曲二首

美人曲

邊城曲

寒冬北遊曲

暑夜燈檠曲

送悶曲三首

西施曲二首

近體樂府

如夢令

憶秦娥

更漏子

眼兒媚二首

少年遊

南鄉子

踏莎行

臨江仙

蝶戀花

蘇幕遮

行鄉子

錦纏道

解連環

摸魚兒

五言古詩

宦寓南都二首

過武城弔言游



東友二首 二首 同鄰友野步二首

五族姻顧姓者刻木肖親歌以獎之

寄琴溪陳翰林 寄湯方二兵曹

接歐陽誠之書 弔高太史季迪

哭司訓黃先生 西堂讀書二首

閱縉紳一覽 集陶寓興六首

集蘇武李陵二首 擬古四首

嗟予一首 擬遊仙二首

處世難 感懷五首

惜葵

七言古詩

太湖石行 石壁為顏司訓賦

壽陳侍御乃堂 登樓賞雪篇

第三十二辰體述懷行 青草歌

二十八宿歌 燕女吟

燈蛾詞

古詩長短句

題陸戶部送別圖 顧都憲宅夜宴行



望山辭陪益保圖 仲鵑行送外宴於

古僅菴叟行 寫真行

聽琴行 布穀謠

四禽言密婚 燕字至十字體詠樓

第三卷一身歸主新行 青草烟

五言律詩陶心堂 登對賞電滿

隱居 偶得山隱同陪題

家居結 言懷三首

柴涇橋二首 湖濱二首

病中詩如大添 老態同平詩賦

池上門主五詩蘇 歎人二首宗題

築居大史校聖詩題 溪居二首

湖堤晚步如山各味 夏日雜興首

雨後得西勝竹 獨坐荷池

夏日雜味亭 小堂雜興

秋日病懷三首 秋野天三

堂中對菊五首吳主 晚秋農居八首中

野館與客 陸墓歸和二首



秋晚與客

秋日雜咏二首

與大司寇認菴吳年丈同自京回道中

遊上天竺三首

遊中天竺

登秦氏園亭

蠡口夜泊

王氏山庄觀竹

次梁大尹破山寺和常建韶二首

和高太史郊墅雜賦一十二首

和答門生王君範

東少卿尤宗暘

東鄒穀城大叅

和贈同年侍御

懷史給事二首

哭尤篔菴吏部

六言律詩

尚湖即事和太史高季迪甫里韻二首

七言律詩

元日早朝

北郊祀齋宿

南郊祀齋宿

侍白宗伯郊壇省牲

郊祀次日迎駕

謁孝陵二首

武宗皇帝北狩還京二首

元宵觀燈三首

山庄探梅二首



開園題壁三首 觀梅限韻二首

山中皇帝北林還京尋春六首

郊居春興四首 田文烈二首

試舟東村 深春野興 平望 卷卦

春愁 園亭四詠

園亭題壁二首 瑪瑙石卓

雨中過東園 春暮行吟 二首

雨中登樓 小堂

小園 白扇 卷卦

觀芍藥 卷卦 今八二首 綠陰二首 卷卦 二首

微吟 讀震澤集 首

乙亥夏得報調官 觀歷科進士錄

喜雨 湖邊

中秋觀月 野橋晚眺

京邸秋夜 村晚

秋日山居 鱸二首 落葉 卷卦 文宣 卷卦 三首

古墓 贊 卷卦 卷卦 卷卦 有感 二首

失水注 同 卷卦 卷卦 卷卦 往寧國



與鶴村周僉憲遊虎丘四首

與吳督學遊張公洞途中二首

附頤山和韻二首 階改亭方道長過崑山

常熟府塘 過靜海

登胥門城樓題壁 吳淞

過陳湖 拂水

登北墩 羅家尖

在郡 咏落花八首

代落花荅吟人二首 和高季迪韻二首

第四卷

七言律詩

和荅文衡山秋夜 和荅陳東麓郡侯

和荅屈梧岡 和馬侍御留別

四十歲生日書懷 中秋賞月四首

賞芙蓉二首 童貳守招飲對雲亭

東方選部矯亭山 東陸太宰乞致仕

至玉峯訪二方年兄二首

訪錢東湖途中作 兩同年會



鷄鳴山會同年  
同年會飲

與王履吉步月  
賞各花屏

謝別督學吳頤山  
附頤山和答

留別張勉齋  
別于本清郡侯

送姚惟寧守袁州  
送王竹里赴選

寄東橋顧開封  
寄方吏部矯亭

寄周鶴村僉憲  
悼錢鶴汀

對門夜泊悼友  
中秋哭妻二首

五言排律

六宿杭州集慶寺  
贈東湖錢工部

七題奕世清風樓  
樓巷

前堂避暑  
累石

挿棘  
病槐

看雪  
詠帆

詠蟹  
詠陽山大石

七言排律

賞芍藥  
題坐

五言六句  
壽國書畫



五戈野菴得

讀陶詩得

晚秋雨中三首

獨坐二首

五言絕句

觀書

夜吟

坐雨

綠樹二首

誰家舟

秋兩獨坐

晚秋二絕

同張生對雨

回文三絕

久旱雨雪

六言絕句

曾東賦發工陪

避暑和王維田園樂三首

七言絕句

湖上

睡起

柴門

一叟三首

雨霽

對山

午夢二首

名利

聞友人仕况清烈

回文

喜雨家燕三首

題扇

衣贈張翁二絕

贈章雪蕉寫予小像



東尤少卿二首

送黃子和守湖州

送友作郡二首

輓顧新山考功母

史贊

司馬遷史記贊

班固前漢書贊

范曄後漢書贊

陳壽三國志贊

唐太宗晉書贊

沈約宋書贊

蕭子顯南齊書贊

姚思廉梁陳二書贊

魏收後魏書贊

李百藥北齊書贊

令狐德棻後周書贊

李延壽南北史贊

魏徵等隋書贊

歐陽脩宋祁唐書贊

歐陽脩五代史贊

宋濂王禕元史贊

第五卷

史論 殷商 周 二王

殷 周 帝

三皇之世

顓頊曆宗 帝

許由

堯元 八凱 四兗

虞芮來賓

周宣王

伍子胥

秦始皇

秦帝

范增項伯



高帝少卿二首 高帝呂后守湖州

陳平督部 文帝皇后考功母

史賈誼來賓 董仲舒

金日磾 劉向介體四表

光帝之母 明章和三帝

史東海清河二王 魏武帝

第五卷 曹冲 孔明 陳一書贊

管寧 張悌 王莽云史贊

魏晉 魏文晉武二帝書贊

晉懷愍二帝 賈充

羊祐

第六卷

史論 王猛

晉元帝王導 辛謚王猛

宋武帝 隋

隋書誠節傳 唐高祖父子

唐太宗 魏徵

李淳風 王求禮



明皇恩

張九齡

代宗宗

盧懷慎盧奐盧奕盧杞

憲宗

穆宗敬宗

杜讓能

五代

宋太宗

杜太后

王旦王欽

寇準韓琦

王安國

徽宗

高宗

韓世忠

孝宗光宗

濟王

第七卷

第序

答吳文

通鑑節要自序

安慶丁汝弼詩集序

石壁遺稿序

送胡侯致政養親序

送王州同還州序

送胡大尹考績序

贈錢東湖七袞序

太卿方公矯亭七袞序

贈錢友蘭七袞序

賞林宴宴序

記

賞立賞月序

詩塚記 晴七妻秦氏 賓湖記 石閣記



代勝山記

遊郁灣石澗記

言遊天平山記

虎丘賞月記

遊石湖記

賞桂家宴記

遊張公洞記

太哪大公辭亭記

傳

木醉翁傳

藥名作黃精傳

文

文

答足文

亭祝齒文

第八卷

誌銘

第八卷

陰陽訓術周浩之壽壙表

敕贈吏部主事先考府君封太安人先妣合

葬誌

秦母盛碩人誌銘

丁母楊碩人墓誌銘

余新之墓誌銘

行狀

敕封安人亡妻秦氏行狀



贊

先吏部行樂像贊

朝服像自贊

喜容像自贊

圍屏贊

頌

兵侍陳公督學頌

銘

樂愚齋銘

祭文

祭東湖錢員外文

祭外母秦碩人文

誄

尚書劉公誄

冢宰陸公誄

書啓

上太宰陸公乞致仕書

答巡撫歐陽公書

擬死後謝絕賻奠書

對

對屠少保劉冢宰

對守備太監

弔丁令威宅對伴客

說



柴溪說

後涇說

六孫字說  
釋道山居說

附臨去詩三首

欲入山待盡

別六孫

別鰥居小樓

南湖元生文選目錄終

南湖先生文選

古吳丁奉獻之著

玄孫孺端編輯全弟  
汝  
訂

賦

虞山賦

虞仲之德與泰伯同孔子稱伯曰至德安知其不以伯該仲也夫以虞之德視九州四海無一可櫻其情顧於茲山特取而終身焉茲山之能擅乎虞之榮也又直以其名名至今於乎其諸異乎九州



四海之山歎客曰然則其山人與有榮焉者矣子  
能言諸余曰不能客復曰子以壯而隱宜若知山  
容無言乎余聞之有感遂與客躋東巔弔虞墓則  
周章以封吳而壟其左齊女以女吳而壙其右大  
抵虞家事也弔畢即呼山以作賦其辭曰

吾山於常熟居揚州之域屬斗牛之次蓋由唐虞而  
云然則其前孰知其所自結氣撐天修形伏地四眄  
八職坐殊立異其丰神銳進匆匆乎之東則如在田  
之龍亟欲吞崑峰赴巨海而琴水七川顧以前導之

便勒其秀於邑中其脉絡綿延依依乎西顧則如徃  
東之客不忍拋鳳嶺撇驚岫而小山一疊特以後長  
之義承其顏於頃步面姑蘇則全吳諸山隱隱約約  
厯指其名殊而狀各背楊子則綠江諸境茫茫淼淼  
宛見其波微而棹小及其發雨施雲啣陽吐月嵐闔  
烟開霜過雪歇迺萬態之不齊匪而端而可竭近則  
傾妍殫麗倒浸尚湖之淵遠則分佳析巧映掩昆承  
之窟試與子登高諦覽借筯數之其峯則石城石門  
共龍母兮嶙峒龍母峯名產白龍其泉則大澗小澗貫鐵山



今盤澗

鐵山澗名

洞有水簾兮漱玉琮琤若僊人等洞嘗

一探而神絨鬼秘灣有寶嚴兮開屏秀敞至了卻諸  
灣每數步而林更嶂易然猶未見其奇也拂崖之水  
自高趨卑不但疾如奔驛而田飈滴瀝灑甘露於二  
界三沓之石以小承大不但險如繫卵而恒風撼簌  
駐危形於萬古他若徐神翁之丹井猶存蕭太子之  
書臺無主劔試豁崖俗說吳之伯辟葬遺兩塔信係  
唐之高僧更與子叅禪而訪道盡乎十八里之峻嶒  
上方院中峰寺芾其股而宇闔參差厥有空心一潭

則常建之所詩也致道觀東嶽祠弁其首而宮殿赫  
奕厥有星壇七檜則梁時之所植也崇如維摩幽如  
興福山居一坳禪福半麓燦金碧其相望聳琳琅而  
作簇斯地也謝公失遊柳子未記幸矣吾徒於焉永  
寄釀酒資乎白土點易利於朱砂夏暑驅蚊世賴烟  
條之艸冬寒策蹇歲探石梅之花若乃檜栢杉松茄  
瓜苛蘇栽苗拔種入市入途黃精香蕒白扁山菇南  
星附子衆藥可需海門之柿頂山之栗櫻李初收杏  
桃方實負檐提筐輕資眇息其禽獸則山鴉黃雀花



鷲青鳩刺鷹練帶彩雉白頭青狼攸伏猛虎或投麇  
獐獾兔駉駉遨遊宜阱以腊彈射以羞此皆山間之  
樂事而未究其蜿蜒磅礴之精英惟夫鍾髦產秀代  
盛迭榮吾見穹碑高封勅相褒卿鬱松楸其百壤殆  
皆於此死而於此生靈矣哉其為山中之崢嶸者耶  
蓋嘗拜巫咸之塚則思帝王之業惟三代翊之者殷  
商有幾而此獨生夫伊人若夫崧嶽之生申甫孰敢  
爭其先又嘗奠言偃之墓則思聖人之道惟孔門傳  
之者南方無人而此獨生斯一哲若夫眉山之生三  
蘇孰敢儕其賢論斯二者則天台武夷焉用彼勝蓬  
壺閬苑奚取於僂誣曰此山如此之靈兮吾何以為  
其中之人巖壑數畝兮獵義耕仁此可逃紅塵不可  
逃白髮今年年一春

尚湖賦

余賦虞山之明日難言子曰君知山之遭虞仲不  
知湖之遭太公乎太公尚辟紂居東海之濱湖與  
海近尚嘗來遊焉于時人之名斯湖者遂訂之曰  
尚湖之所遭其奇之尤者哉夫嚴陵隱者爾其灘



一更音文選 卷之一  
獲稱曰嚴且誇高無窮太公之德之功掩伊周著  
天地斯湖也而乃斯名耶故曰竒之尤者也君在  
其涯有世居之義有獨樂之情可無以宣之乎余  
應之曰然惟情與義不可泯乃洞酌其波濡毫而  
為之賦其辭曰

巨靈以鼎鬪之雄拳鑿鴻龐之廣陸遷極海之冥濤  
袞古虞之陽麓控吳郡於東南襟熟城而西北闡勝  
彌繁插幽罔鞠曩嘗與子希赤壁之樂則月小山高  
一川寶鏡肆訪戴之行則溪空雪沒四岫瓊瑤雲縞

霞緋河晶霄翠虹時電際星夕烟朝映天家之萬象  
迴一碧其飄飄况夫沉巒若髻印嶺如屏峰倒戈矛  
之態林浮旌旆之形灃灃灑灑滴滴澄澄瀆淪以沸  
旬滄以烝每貼羅而展縠更玉漾而珠騰此吾平居  
之所以曠志怡情者也至於冰合經旬迷津四路風  
翻暝晝蹴浪半空觀斯時也則知滹沱之所以克濟  
乎王霸而江湖之所以見憂於范公吾且登樓竚睇  
則巨賈巍艘西指澄江之澌漫孤商隻舫南趨吳郡  
之渺瀰過錫來崑歸常赴潤浢浢周道汨汨枝岐長



一更書文選 卷之一  
五  
綃峩峩遠戴扶桑之旭層帆颯纒忙追昧谷之曦若  
乃葉浜徐聖邵港錢涇至群陂而衆汜紛有號而無  
名惟夫惠洞一涇九達衝要烏山一穴百丈淵玄湖  
田二村僻若張志和之宅趙宋諸圩窪如陸魯望之  
田斜堰朱涇橋槎並卧小山張墓梁石雙懸他如驚  
漪駭沫忽被白茅之潮接涖聯潯素作昆承之對襟  
帶一山而相為始終綿亘諸鄉感化等鄉而頻更景類灘  
痕繼濕走篆迴文沙彩矜晴輝璣閃貝此皆其大觀  
焉耳矣若夫民之利之者千竿飼豕之草萬筍培稜

之泥漁則提網泛眾鳴榔引釣截罟垂籃無乎不效  
所獲者鱖鱣鯉紫鰕鱖鱖鱖鱖鱖鱖鱖鱖鱖鱖鱖鱖鱖  
能催吾歸者蓋鱸魚更肥也戈則暗彈明媒偵眠候  
食比畢稱又無乎不力所獲者天鵝仙鶴老鸛靈鷄  
鷺鴛鴦鷓鴣雉鴈鳧鷖而能忘吾機者蓋白鷗相知也  
赤蓼釀麴菖蒲薦卮菇菱蓮藕以豆以市蕪葭芡茨  
以爨以籬吾又行吟訪古則父老僉曰頂山之白龍  
歸省甘雨時漲白龍每歲五月十三日有母祠丹井之雙鶴飛墜神  
光夜明即徐神翁故事開國伯印公宋理宗之名臣也卜葬



於斯今日印壘大丞相柴公周世宗之嫡裔也僑居  
來此今日柴涇斯地也朴素成村優游作族寵辱不  
驚如龐德公之土耕耘自贍猶鄭子真之谷噫吁嘻  
家其中者欲與古之幽貞為屬耶夫斯地攸居湖南  
一曲閱琴川之八境惟自此其長獲旱以湖溉潦以  
湖承承之斯稔溉之斯登蓋不特供騷人之嘯弄而  
實以濟百千萬之蒼生吾於是載拜夏后氏之底績  
且報謝水若之英靈乃系以歌曰所貴乎有此山兮  
惟以其有此湖然而又貴乎有此人兮安得此人洵

矣都

三角亭賦

南湖散人作三角亭客有坐其間者憮然曰異哉先  
生作為此亭豈方圓而平直乃頗可以歌傾余聽之  
笑曰子盍知乎天缺西北兮地缺東南盈必有虧兮  
豐必有嗇缺此亭隅兮聊以自况聽其所損兮安其  
所得試論茲亭之作也架特數椽匡惟八尺危撐鼎  
足之形巧學品字之格二妙至則寬四皓聚則窄陰  
陽偶利擅三面之水綠山青造化難全減一方之風



光月色散人之寓此也間常上坐則左子右孫適同  
三世時或獨居則左琴右書不虛一席開牕對徑今  
得三徑之資設壇求友今來三友之益於是寄衰情  
潛逸跡逍遙徜徉忽不自知雙鬢之既白客乃躍然  
謝曰信乎先生之樂斯亭矣吾安得遂為亭下之一  
客

### 竹里賦

虞山北麓昔有隱君子王公號竹居象虚心希直  
節也傳至冬官公號敬竹又至太學君號竹里襲

孝思追世德也余嘗登是里觀是竹乃欲旌是孝  
而賦之焉其詞曰

里仁為美孔聖垂訓里名勝毋曾子不入舟里棲四  
皓而輔漢之功顯栗里寄陶潛而事晉之操立然則  
斯里也風化攸先德業所係豈取夫二十五家之人  
勢相傾而利相締有美王君卓識此義里以竹名奕  
世無替謂吾祖之卜居託山陰之叢竹聚同宗而述  
祖不以善而自獨相與思其志意相與思其嗜欲培  
茲竹之舊本遍子猷之一族余也久交而熟知其族



亦盛矣或開衛武之澳或闢蔣詡之徑或林焉而七  
賢齊高或溪焉而六逸偕勝或為亭則如白太傅養  
竹之情或為軒則如蘇學士綠筠之興於是金戈西  
巷翠葆盈村虛聲列戶寒蔭羣門爨笋分羨和親睦  
黨刪竿鬻利老子長孫此所以謂之竹里而實太學  
君之孝思之所致世德之所存也於是士大夫之知  
君者僉以竹里號君而君之益勉於孝也又不負乎  
余之所云余既賦就復為之亂曰此竹幸今生此里  
里有人兮竹之仙此里幸兮遭此竹竹有主兮里之  
賢此主人兮吾欲從入勝境兮沾清風虞城北兮渺  
何所高山暮兮青鬱葱

達生賦

嘉靖壬辰冬余為壽藏之石匡殫匠技而週遭若  
幾二百尺有山人八十翁賀之曰工矣固矣盍以  
美額榮其門乎余特訂之曰達生蓋取莊子篇名  
也作達生賦以語翁其詞曰  
智矣哉惟莊仙之逸見達人生之至理謂萬物有始  
兮有終乃形氣變遷兮必爾是以付貴賤於同丘齊



得失於一體化工幽巧兮羗亦憑其玩游塵跡浮休  
兮紛莫逃其議擬質古聖兮雖嫌廢治而妨功警溷  
俗兮實俾貪消而躁止斯其所以神萬象冠百子也  
厥有知是道者簡兮罕朋澹兮寡好以兩儀為寓居  
以百歲為寄傲短兮可嬰脩兮可耄聽日月之幾何  
安儻來之大造蓋嘗染指兮浮名沾唇兮散祿方為  
未老之馮唐遂如必去之梅福享田園兮含哺弄詩  
歌兮鼓腹向子平兒女之累麓畢於中年司空圖賓  
客之歡漫寄於玄屋此亦庶乎遑生者矣而不識將  
誰焉是屬翁笑曰塵海茫茫兮爭趨以溺趨而或返  
兮羣嗤衆責先生此論兮開迷剖惑請以自居兮益  
壽益德

南湖活宅賦

僅菴叟作一坐舟有客同泛扁之曰南湖活宅活  
宅為舟蓋俗語也叟特賦之以自勉且答客曰  
繫吾祖之世居卜尚湖之南浦渺萬頃之烟波匯一  
鄉之村塢杜八達之輪蹄習四通之篙舫余是以遵  
大夫之等儀而作方舟以從古也敞層軒兮匝坐穩



片榻兮孤眠左一匡兮罇俎右一饋兮簡編衆漿捷  
兮鴉軋雙帆驟兮鳶翩噲八窓兮交映儼畫堂兮鮮  
妍况可近可遠可止可遷此則謂之活宅而吾欲廣  
其義焉者也乃若圓活兮用智因時兮變通或濟川  
兮仰傳說之聖或擊楫兮效祖逖之忠或駕張翰以  
避禍或載范蠡以保終或訪舊而汎雪兮追王猷之  
逸興或衣錦而乘月兮步李白之竒踪或搖搖兮靖  
節或漾漾兮龜蒙吾乃知此宅可進可退可卑可崇  
隨主人兮所遇皆順應兮從容是謂活兮一宅吾舍  
此兮焉從容既聽即和余而為之亂曰善哉叟之知  
所活兮皆君子之德遐哉我之論夫活兮乃長壽之  
謂羨此宅兮德之窩願此德兮壽之會旬日楊帆兮  
一汎湖湖上青山兮叟之對笑歌滄浪兮明月來淨  
洗金盃兮百年醉

遊杭喜晴賦

予與南海京兆石崖柱史遊吳越遇久晴順利因  
念一飲啄皆前定矧今行千里歷半月而獲此良  
遇得非吾三人叨有天緣者耶作遊杭喜晴賦以



伸感天之誠以示順命之道

嘉靖丙申春霖雨連綿遊人落寞山水失光禽花爽  
約安鰥子乃卜四月之清和重二叟之然諾陪黃堂  
之書劔伴烏府之琴鶴晝行兮並舫宵征兮聯酌躡  
姑蘇之危城步嘉興之遠郭望錢塘而言邁入古杭  
而載泊於是登衢街歷店肆認官衙參佛寺訪民俗  
之隱幽弔朋儕之裔嗣攀山巔降水次樂事兮不稀  
賞心兮頗恣時維風伯藏威雨師匿跡或輕颺兮順  
帆吹袂或淡雲兮浮波過壁或颺靜兮萬竅無聲或

雲消兮長天一碧或午兮炎熇蒸汗或曉兮涼颼添  
帛或晚兮赤霞絢爛或夜兮明星的歷或皎蟾兮孤  
掛或黑霧兮隨釋爾其半月無虞三人有慶乃知出  
入皆由乎自然造化不容乎險倖蓋惟崖壑之姿湖  
海之性素位而行隨地而勝此天意所以養二叟之  
高而憐一鰥之興者也于是二叟聽之與予相勉於  
順天而罔愆於俟命

遊杭州西湖賦

明嘉靖歲丙申來夕夏今日春迓程伯之飛旆拉王



子之馳輪同遊友就浙藩之周道出武林之崇闈躋甌  
山之片麓占錢湖之一濬聽笙歌兮兩岸睹紅粉兮  
四濱豐儉殊兮百席醒醉雜兮千人于是呼僕兮三  
羣買舟兮一葉共舉兮清觴互開兮短楫水底兮明  
鏡波紋兮羅貼照客兮蓬鬢見魚兮鼓鬣蕩漾兮盤  
桓洄游兮繞匝爾乃望林逋之墓登蘇公之堤探六  
橋之窈渺隨萬柳之芳菲蔚峯巒之環秀煥臺殿之  
爭奇騰風光之幻變儼圖畫之紛披嗟浮生之欠樂  
惜勝會之難齊錄藻詞于無廢付萍跡于有稽

弔許汝登賦

吾同年進士許公諱達字汝登為江西副使值寧  
藩宸濠作亂殺都臺孫公許即罵賊死節時方三  
十六歲賦此哭之

西周汝墳

汝寧府

春秋蓼國

固始縣

金漿諸水之泓澄銅

井群山之萃嶷會兩儀之精靈產一代之英特實許  
遠之忠魂發華宗之令嫡慨正德兮末年賊宸濠兮  
造亂繫此賊兮宗室虐江右兮糜爛漢劉濞兮同條  
唐李璘兮共貫窺神器兮數載弄盜兵兮一旦殺都臺



今先鋒囚衆官今獄岸僉屈辱兮被刑或詭隨兮助  
叛是天網為之瓦裂而地統為之冰渙者矣爾其職  
業兮兵備官守兮副臬挺身兮班行奮勇兮孤子怒  
賊兮嚼張巡之齒罵賊兮掉杲卿之舌數賊罪兮堂  
堂受賊刃兮烈烈共都臺兮九泉壯本朝兮雙節惟  
雙節兮倡首致六師兮併心迨皖城兮肆伐乃元惡  
兮就擒江右平兮奏凱武功焯兮當今嗟副臬兮死  
志上帝赫兮鑒臨裂復完兮天網渙復整兮地統克  
取義兮從孟善成仁兮學孔吾同榜兮三百賴先生  
兮增重綴拙語兮宣哀望鄱陽兮淚涌

七體

七勸

七者賦之變法也蓋自漢枚乘之七發以及元吉  
伯長之七觀矜竒鬪麗迤相沿襲而近世作者漸  
稀茲文士之缺典也予守鰥可悲客有憐而勸予  
者七事乃作七勸

寶麓子歲齡纔踰五十先安人捐世矢不再偶亦素  
無妾婢乃獨居小樓以度餘年客有峩冠博帶琴烏



鳩筇投刺踵門而請曰竊聞子鰥居孔悲僕願一見而勸之也寶麓子方耽幽寂杜賓朋使閹奴辭之者再客曰僕也獲交朝野之賢豪多矣今茲引領乎高義輕千里而登龍門子何拒之峻耶於是寶麓子掃花徑闢蓬門設館榻具牢醴延客上座而問之客乃蕭貌溫辭謂予曰僕聞子之為計也斥高宗孝已後娶之非執魯參管寧獨得之義誦牧犢雉飛之操則傾懷歆仰展衛風有狐之篇則掩卷退避爾其隻眠半榻單坐一堂歎空房兮殘衾敞帳問中饋兮斷饌停漿衣百結而紉針誰倚財日費而囊橐誰藏子雖屹立其節行而實自苦其肺腸竊念人生如駒過乎一隙露晞乎朝陽何不及時以為樂而恣慾以徜徉寶麓子曰辱客遠顧請畢言之當虛心以聽

客曰子之不娶者義僕之所聞者禮禮有之大夫雖七十亦再娶蓋以主祭祀也子官為大夫適當斯禮而况年未七十乎僕願子擲舊恨索新歡續鶉絃兮既斷暖鴛枕兮以寒重迎兮鳳冠燦燦再奩兮鸞鏡團團陪祭兮以蒸以禴執爨兮以饗以飧於是



之父母重叙兩儀之陰陽復全况鰥寡悲秋傷宇宙  
之和氣而伉儷怡悅添瓜瓞之綿延此天下之通義  
也子其從焉可乎寶麓子曰為斯言者衆矣豈惟客  
哉使吾聞之適以益吾糟糠之哀而瀆吾綱常之性  
夫豈忍從此也

客曰子固不忍立中閨擬先配矣盍亦置妾妓娛晚  
歲耶或如王導之寵妾預尚書之政或如謝安之愛  
妓隨東山之遊或如絳桃柳枝不玷昌黎之文譽或  
如小蠻樊素助成白傅之風流爾其象兮無雙美兮

無極毛嬙鄣袂兮不能匹休西施掩面兮比之無色  
盧瞳兮頰唇翠眉兮瑤質手如柔荑兮蓮步輕齒如  
含貝兮花靨憚况乃獻嬌樽俎售諛茵席巧笑妖歌  
調箏鼓瑟頓使怒氣為之春融愁抱為之冰釋此凡  
有情慾者之至樂也子其從焉可乎寶麓子曰吾聞  
韓魏公因元配既亡而斥散女樂司馬公於夫人置  
妾而亟遣不顧吾雖不敢仰希一公然而有為者亦  
若是安用爾淫佚之圖也

客曰子之守鰥之義信乎質鬼神而無疑徹死生而



無弊矣然所以慰其鰥者請為子借箸而議焉子知夫飲乎或獨飲則倣陶潛之顧影效李白之邀月或群飲則設孔融之賓座投陳遵之客轄爾其揚袂屢舞扣劍高歌一酌可以比松喬矜許史再酌可以弄日月傲山河子知夫奕乎或為石室之圍而爛柯年歲等之於晷刻或為別墅之局而伐寇功勳輕之於唾核爾其優游鬪智譁浪爭雄落子數聲賭就梅花短句携枰每日頻隨竹澗清風茲二者士夫休逸之勝趣也子其從焉可乎寶麓子曰惡酒之德上傳於大聖戒奕之論遠著於名賢夫古之志士惜時而立業吾竊有志存焉夫豈爾從也

客曰子欲立業此其志在富貴乎蓋醜女自配諸葛之所以成大功家累不隨淵明之所以立大節况子乳然一夫了無家室之累豈非奮身效用之一機會耶盍獻文天闕以售賈董之詞盍掉舌相府以逞蘇張之辯俾鶴書兮赴隴披羽衣兮登殿歲九遷兮公卿日三接兮賜宴紛賄賂兮如山赫聲威兮如煽若是者蓋有命焉而不可力辦者也其次莫若學范蠡



今戮力營貨希王戎兮牙籌筭利乃使菑穫靡窮  
飛罔際川湧兮金縵雲堆兮廩餼無求兮不獲無欲  
兮不濟此人情之至貪也子其從焉可乎寶麓子曰  
吾見衛鞅之臨刑石崇之被殛則富貴之為累多矣  
吾方趣蕨薇而志簞瓢夫豈爾從也

客曰然則子好靜矣乎靜則可以養生而得神仙之  
術蓋養生一論嵇康固有可宗而學仙一語晦翁亦  
所不廢爾其當生死之關啓玄命之秘脩性兮齋神  
捐情兮餐氣三年兮養丹五禽兮作戲金鼎兮蟠龍

虎圭刃兮充啖齋由是脫塵兮乘烟嚼蕊兮吞霞羽  
翰兮漸長瞳碧兮顏赭白日兮飛奮帝闕兮仙家形  
車兮翠蓋左鶴兮右麇爾乃挹浮丘之袖拍洪崖之  
肩排陵陽之闥登容城之筵傲子晉狎彭篋吟弄兮  
祥雲瑞日往還兮秀嶺名川等人世兮蜉蝣過眼覽  
天地兮頃刻千年此神仙之所以為奇絕也子其從  
焉可乎寶麓子曰斯事茫昧使其可求則秦皇漢武  
何不先得之耶况知命立命孔孟有成訓矣予忝誦  
法聖賢夫豈爾從也



客曰然則子不好誕矣曷不好遊乎方今堯舜在上  
四海承平戢戈韜矢刀斗不鳴較之感感靡騁之世  
則君子固宜自幸而廣驚遐征矣爾其乘向平之暇  
日法馬遷之遍遊借靈運之雙屐買季鷹之扁舟歷  
五嶽閱九州佳山名水秀壤芳丘儘平生之眺翫恣  
老景之夷猶於是訪同榜兮弟兄繹舊盟兮賢傑或  
千里兮命駕或二年兮叙別或夜雨兮剪韭或剡溪  
兮泛雪蓋將使道誼之恒存而彞倫之不滅此人世  
之至樂也子其從焉可乎寶麓子曰茲二樂者吾嘗

癖膏肓浹骨髓惜乎老矣病矣艱出而未能也

客曰子將杜門而却跡其必著書立言以自見乎吾  
觀子之嗜書也歆石渠慕天祿大則有山房之藏小  
則有巾箱之蓄或發憤而鏤版或攜餅而請錄或盡  
貲而廣置或入肆而遍讀由是淨几臨流明窓傍樹  
抱虞卿之窮愁發左思之構慮抽五車之錦囊展六  
經之縑素窺聖賢之道真訂儒先之謬誤拜濂洛之  
餘光闡關閩之遺趣况乃考歷代評諸史究是非叅  
終始察君心觀政理扶忠賢黜奸鄙剖剛目之微詞



揚春秋之定旨其又文章兮紀事詩賦兮陶情師漢  
魏兮宗韓杜寫不平兮聊自鳴此人生之不朽而今  
古之至榮者也子其從焉可乎寶麓子聞之欣然豁  
襟浩然張瞻揖客曰予雖不敏請事斯語以矣遂與  
客結為同志終身不忍相別

南湖先生文選卷之一終

南湖先生文選卷之二

姑蘇丁奉獻之甫著

宣城梅守箕季豹選

擬古樂府

漢鏡歌

朱鷺

朱鷺兒祥姿稟紅日西周神鳳來呼爾作良弼朱鷺  
兒棲集飽丹砂漢朝鶡雀至見爾失寵華朱鷺兒不  
出夫差鼓帝家火德纔飛舞朱鷺兒曷從楚威王霸



業欲替空回翔

思悲翁

思悲翁慎勿思思多遶天地天地無盡時思悲翁慎

勿悲悲多徹今古今古何終期請君莫唱思悲翁翁

且自歌將進酒傾玉壺酌金斗彈絲箏擊瓦缶隣里

愿翁福親朋祝翁壽只擽酪酌駐紅顏何用思悲空

白首

艾如張

漢曲為田狩作予謂張禽當法古聖之愛

物云

彼茁者林其榛其楚于以刈之張羅之所爰張我羅

有鳥可得左右高下任爾來翼殷網是刑周且是式

有鳥飛翔燁其五色懷我好音噍噍自適薄言聽之

相予逸德既艾而張庶幾悅懌

上之回

漢曲與凡後作皆誇時事以侈君心予謂

先誇後諷可也

上之回軒萬乘鼓雷旬旆雲映驃秦威燿漢令魔石



關下棠梨讐匈奴震月支千載遇霸王師黠兵凶求  
仙幻愿歸朝享清宴任夔龍登奭旦治無為膺福萬

### 戰城南

漢曲但言戰死欠言成功與規諫意今補  
而正之

戰城南南來達虜嗤秦帝戰城北北去胡兒侵漢地  
華夷定限隔乾坤可柰天山烽火頻咄爾犬羊情不  
識聖朝作養多忠臣操金戈伐金鼓將士桓桓盡貔  
虎前陣梟單于後陣馘蒙古露布星馳報帝廷兩階

### 干羽洋洋舞

### 巫山高

漢曲惟思歸之意他作皆言陽臺雲雨失  
之淫誕矣予乃先體漢意後斥他作

巫山高淮水長山無梯水無梁東歸不可得空爾淚  
沾裳蕭瑟陽臺自羈旅依舊朝雲還暮雨獨憐宋玉  
賦荒淫浪說襄王夢神女

### 將進酒

將進酒君莫辭適勝境乘佳期款直諒會文詞旅殺



核鳴竹絲昨丹臉俄素髭生不飲死可悲更有戒君  
弗知禹惡酒闢兩儀孔絕沽萬代師紂糟丘桀酒池  
酣楚襄醉夫差神人憤社稷移灌夫醜遭族夷竹林  
會晉式微嗟後輩鑒前非息沉酒寡嫵嬉壽斯永福  
是宜

君馬黃

君馬黃我馬赤君馬驊騮姿我馬騏驎德金勒雙龍  
鬃玉鞭兩鳳臆悲鳴永相構八足互休戚同感芻牧  
恩共効征戰力吁嗟馬上郎並為許史客面容一室  
親心事萬山隔富貴欲刎頸患難輒下石請君急辭  
鞍跨馬多愧色

芳樹

彼芳者樹厥花桃李風漂其蕐維葉披靡我心孔悲  
曷云能已彼芳者樹厥種松柏兩雪其雱維榦貞直  
我心孔臧曷云不懌

古有所思行

有所思佳人皎皎瓊瑤姿秋霜凜孤節春雲蔚芳詞  
神仙自古邈難致夷齊冉綺宛在茲我思其人思不



已紅塵不敢占鬢絲

雉子斑

雉子斑雌雄並錦繡文耿介性雖從鼎耳殷道興貞  
自越裳周室盛可憐珍產混凡禽十步踉蹌過上林  
相逐相呼纔得意羅矢誰家設禍深君不見彭祖雉  
羨堯帝食雉雖一死何足惜

聖人出

聖人出華胥渚大昊靈光照寰宇合三才瑞發河圖  
景運開景運開畫易卦甲歷字書彰萬化彰萬化婚  
姻俶夫妻別姓彞倫篤彞倫篤置龍官分理海內民  
物安民物安奏音樂琴瑟哩哩宣渾噩猗聖人木德  
全五帝功業惟其先

臨高臺

臨高臺望祥雲翩翩逸興躋仙群懷子晉憶彭箋那  
能握手俱千年飛鶴駕踏鸞駟洪厓結約呼容成挹  
丹溜揮玉杯鍊成五石戲九垓別靈谿歸故鄉彞倫  
復叙歡滿堂匣中劍架上書男子誰容事業虛出從  
宦入明農聖賢有道隨窮通窮亦可通亦宜無邊妄



想空歎歎

遠如期

遠行如期之子有竭簡書式承王事孔烈肆其旃哉  
厥瘁是竭遠歸如期之子洵孝父母曷嘗穡力斯効  
肆其旃哉厥心是校

石流

漢題本石留南朝宋人改留曰流

石際流泉汨汨其逝歲月與俱溘焉老至相維愚人  
老矣曷修哲人而老京京癩憂誕憂云何厥德不成  
夙興夜寐忝我所生肆茲德行薄言有覺匪石可轉  
匪流可濁

公無渡河

古詞皆欠言其妻隨死之義今補之

公乎無渡河渡河無名死且訛彭咸死忠尾生死信  
中河義鬼古亦多獨惜公渡河狂癡被髮瞞叉牙蛟  
鱷吐舌龜鼉天吳九首角鬣嗟哦公乎一身將柰何  
將柰何笙篴一曲罷妾死隨公魔願化比目魚名義  
托素波



梁甫吟

武侯此吟以後太白等諸作各自立言而侯之本旨亡矣今獨為侯申之

我讀梁甫吟重為晏子惜二桃殺三士用計太慘刻三士果有功爵賞奚須嗇景公何不明誤聽此讒慝武侯真王佐心事窺契稷顧此霸業早興言特悽惻

烏夜啼

唐書樂志曰宋臨川王義慶嘗得罪大懼伎妾聞烏啼乃報云應有赦明日果然因

此作歌太白以來作者俱欠此意今補之

月瘦風酸夜慘悽郎悲妾淚生別離城頭霜落烏聲起啞啞分明報郎喜郎歸後夜妾當壚勸郎把酒歌啼烏

行路難二首

君不見武攸緒遠適龍門避女主又不見陳后山却衣凍死絕樵姦耻莫恥今仗宗族卑莫卑今賴姻屬薰天富貴成粉齏笑談對面藏荼毒噫嘻行路難二賢所守高莫攀從知君子行路易立足路頭分義利



其二  
君不見漢太公擁篲迎兕禮意隆又不見蘇季子乃  
妻前倨復後恭父子夫妻尚如此路上人心復何耻  
只憑勢利別親疎每遇忠賢添謗誅鴟梟得志傲鸞  
凰荆棘逢時成杞梓行路難行且止

### 長相思

長相思在何處孤燈明滅夜聲秋一枕眠愁窓色曙  
何山不危如太行何水不險如灩澦青天茫茫白日  
昏卽卽夢裡紅顏去好花輒遭風雨欺自古佳人時

不遇長相思淚空注

### 前有樽酒行

美人如英多別離相逢樽酒情悽悽金壺玉斗春淋  
漓軟語留連落月低霜寒小院慈烏啼明朝去路各  
東西我且歌君且醉人生不醉將柰何百年萬事空  
成悔

### 關山月

關山月幾度盈又缺銅柱危撐寶鏡圓玉門迴掛銀  
鈎折蘇武窖祖逖楫萬古清輝照忠烈姮娥守孀悲



不言故識征夫怨離別滿放晴明爰鐵衣紫塞年年  
少風雪謝天恩關山月林或對實慈面王門且借駐

### 鞠歌行

沉珊瑚埋琥珀海底泥間空廢擲此梗楠彼榛棘良  
川盡斬惡根植誰眼青吾鬢白知己不遭年近百桓  
雉怒滅倉隙孔孟終身無暖席嗟聖賢俱困阨庸庸  
萬輩那須惜

### 採蓮曲 和李太白韻

荷花娟娟美如女水面照容嬌不語鴛鴦坐占妬遊  
人忽聽管絃齊翼舉採蓮壓酒尚書郎畫舫朱簾繞  
碧楊太乙真人宛相見暗投仙句教詩腸

### 胡無人

邊風初高寒草秋戰場鬼哭寒啾啾狼烟半朶金城  
頭漢主赫怒胡星愁前將衛後將霍百萬精兵出帷  
幄左哨擒烏桓右哨服稽落勢轟雷電空沙漠胡無

### 奏凱樂

### 長安道

長安道滿道春花更秋草春花與客同芳菲秋草隨



人共枯槁前道丞相車後道將軍戟東鄰賀拜封西  
只弔誅殛朝營衛霍第暮作金張宅如何道上草與  
花歲歲年年無改色

陌上桑

黃鶯鳴春風柔桑青沃若事姑本多端更受丈夫托  
丈夫一去百草芳傷心桃李寒無光妾採桑妾提筐  
提筐急歸去白髮姑在堂君王不識妾心苦妾身不  
是君王伍君王請歸白玉宮無數蛾眉獻歌舞

五雜組二首

五雜組裁綺羅往復來機內梭不獲已僿暫和

其二

五雜組雲錦紗往復來客路車不獲已遠離家

獨不見

西風信緊茱萸紫砌兩痕枯苔色死繡戶沉沉白日  
闌鴛鴦機寂寞凋紅顏黃龍塞兒獨不見歸程枉負駒  
駝健百尺桃邊悲且啼淡霜瘦月寒淒淒

泣竹篇

毋心思笋羨兒心亟將烹冬笋求不得兒淚逸竹傾



有笋歛自出地道感厥誠兒作魚池監寄鮓母即警  
警曰官雖小應須慎而清却鮓規兒志毋兮賢且貞  
我題泣竹句母子齊芳名  
唐奉天竇氏二女遇盜將辱之其姊即投  
崖死其妹繼之

吾父母遺骨肉咄爾盜叵污辱幸此崖臨深谷委命  
投兮先我姊挈末兮九泉底再生崖下兮兩木成  
連理

冒刃篇唐某妻某氏

賊威猛家衆匿姑在堂命危迫妾冒刃衛姑側受賊  
捶死奚惜妾亦知詩書妾亦曉仁義倘姑危莫拯妾  
顏何以見天地見天地此心元與禽獸異

延陵操

予先世兮讓國來吳城喜故國兮王道成予小子兮  
讓國來延陵悲故國兮交相爭嗟予讓兮先德莫承  
嗟彼爭兮先業是崩

貞姬行



楚國白公勝之妻因白公死吳王聘之不  
從王乃號曰貞姬

妾本白家婦即死妾未亡績麻守即墓旦夕死從即  
貞名苦不立猥聘遭吳王輜輶紛合沓金壁爛熒煌  
富貴非妾愿節義夫不忘有髮堪入剪有眼堪入銜  
君王自匹配國色滿椒房

附雜題九首

遊湖曲 韋應物聽鶯曲體

湖波得雨高十尺萬頃波光鎔玉液北山佳氣炯相

照天地熒熒涵一碧湖上仙翁出興竒蒲帆淺掛烟  
汀夕恍惚船如天上坐博望槎邊牛女卧齋書載茗  
陸龜蒙汎宅浮家張子同天遣仙翁繼幽賞笑戴漉  
巾披鶴氅打鼓恐驚龍窟深停橈喜踏鷗灘廣四堤  
柳蔭寒如潑兩岸蒲風香可啜何妨百歲日日來此  
遊持盃把釣拚不休却憐范蠡五湖興載去西施巨  
誇勝不如翁也一身輕飛到蓬萊偏捷徑

美人曲 王仲初寄遠曲體

美人一去消息沉巫山吸噤湘江深玉顏可想不可



吳音之選 卷之三  
三  
喚水中月影沙中金留得卽衫存手跡卽淚漣漣把  
衫拭

邊城曲黃山谷塞上曲體

黑山嘶囂黃雲高平沙落日戰鬼號累歲城頭狼火  
熄漢朝天子真英豪關外戎王偷一走五花獵騎隨  
鷹狗捲開羶帳遇南人問道子卿今在否

寒冬北遊曲宋錢易西遊曲體

寒威慘逼貂裘短西風偏急馬偏緩傳言凍折崑崙  
山紅日無權推不啻黃雲變隼四空低躑躅齊東更  
魯西浪仙瘦怯征裝重剛逢晚雪飄淒淒乍信鳥啼  
行不得可憐微體輕蟬翼勤勞取出富貴多富貴也  
誤勤勞客

暑夜燈檠曲

暑燈不敢明一明令人驚涼燈方未起一起令人喜  
人情涼暑翻覆多長檠短檠其柰何清光炯炯當簾  
幕照破萬古人情薄

送悶曲二首劉禹錫送春曲體

悶可去悶為達人開賢聖俱亡矣神仙安在哉請君



舒一嘯萬事等浮埃

其二

悶已去飄入風烟裏  
莫向枕邊生休從盃畔起  
却催詩句來拈筆津津喜

西施曲二首

妾侍吳王遊祇為范郎謀  
妾別吳王羞即上范郎舟  
即在越溪初識妾妾入郎心  
暗成結姑蘇臺前郎約  
至王纔宴醉調歌舌五湖勝處  
隨郎走妾身自是郎  
先有

其二

妾事吳王王自滅  
妾事范郎郎自吉  
從來勝敗責夫  
君豈惟妾輩為之孽

近體樂府

如夢令

綠暗高林兩透藍  
湧小池風皺鰓  
客鎖南園占斷春  
光錦繡長晝長  
晝細點離騷句讀

憶秦娥

憶先安人秦氏



鰥居冷風雨蕭蕭，燈耿耿燈耿耿半榻孤懷一窻單  
影 孟暉芳魂歸北嶺，隔斷碧湖春萬頃，春萬頃飛  
夢難逢衾寒酒醒

更漏子

賞月

桂香清松影膩半畝空庭曲砌碧漢迥白雲寒樓頭  
皎玉盤 喚嫦娥音容杳銀闕傍人低小調綺瑟醉  
金觴笑歌牛斗旁

眼兒媚二首

過華湖

蘆葦蕭蕭，奏輕颼烟雨隔南洲小航冒冷孤帆披濕  
一路吟謳 閒人儼似天隨子幽興五湖秋相知只  
在渡頭漁叟沙嘴眠鷗

無錫武進道中

錫城迢遞過錢橋曉氣冷蕭蕭，惠嶺連屏陽湖展鏡  
圖畫晴霄 蓬窻酒醒尋詩樂兀坐捧茶瓢陪行一  
路溪雲冉冉沙鳥飄飄

少年遊



朱簾半捲盡屏孤立門巷鎖烟蘿榴火如燒荷錢似  
鑄好景麥秋過道人無事掀書了寂坐養微病閒  
想平生浮休萬事空愧鬢毛皤

南鄉子

夏晚浴酌

三沐楚蘭湯汗體冰清白玉香小坐空階明月冷如  
霜宛在南陽石步廊幽興動壺觴沉李浮瓜壓蔗  
漿避暑不須河朔飲酣狂酒醒詩成夜未央

踏莎行

暗結愁眉長淹病體藥爐書冊相依倚閨年春色苦  
來遲何處芳菲撩一喜小步危樓閑憑淨几青山  
半疊如知已紛紛世事付浮雲靜聽天公分泰否

臨江仙

贈醫者號西溪

溪上杏花春冉冉小窻啼鳥垂楊百年流水傍斜陽  
東風吹屋背兩岸繡苔香問道主人何處去柴門  
流水歸航尋芝采朮白雲鄉宋清之德義應共此溪  
長



蝶戀花

春宵

最苦春宵難到曉  
擁膝微吟屢剔燈花小  
流霞細酌銀瓶了  
西映窓光斜月皎  
四聽無聲寒悄悄  
急擁青綾夢入邯鄲  
杳乍覺一腔諸事繞  
忽從枕外聞啼鳥

蘇幕遮

某遷官某廢職宦海茫茫來往人如鷺  
邯鄲一夢誰能識  
白髮黃泉攔住貪婪客  
我歸休我隱逸  
笑着

人世榮衰幾更易  
忽爾炎炎俄爾熄  
沐猴逞驕徒自

行鄉子

特地登樓欲寫春愁  
急開窓試眺遐陬  
低雲遍野寒  
逼重裘  
遇雨如麻風如剪  
霰如毬  
胡床獨坐守僻  
耽幽想功名富貴如漚  
百年有命萬事無謀  
只書一卷香一篆  
酒一甌

錦纏道

小雨廉纖釀作東風微冷  
滿四野蕭疎春景上林略



露梅花頂柳線鵝黃拖着漁人艇  
每對物傷春閒  
愁耿耿嘆人生榮枯不等只安分  
深鎖柴門但尋詩  
倦處得醉何須醒

解連環

有感

誰能料後曾閱歷人間知新見  
舊歎無數開落升沉  
似春花秋月浮雲過溜輕薄紛紛較眼前  
智爭力鬪  
不道今朝難保來日陰晴氣候  
莫羨鳴騶曳繡  
只步分田園委心畊耨好將勤儉傳家  
且淡飯麤衣

延綿裔胄古聖先賢管不得無窮宇宙  
我勸我把酒  
寬懷休教眉皺

摸魚兒

坐兩窻閒想人情箇箇耽名戀祿揚眉吐氣立功勛  
展轉不曾知足空碌碌誰知道終身難保榮和辱天  
時反覆見王食錦衣高車駟馬畢竟成荼毒  
觀漢史可憐韓信夷族更痛蕭何下獄却信塞翁真有見  
失馬番為上福教孩兒繞山邊插滿黃秧對床頭釀  
成新醪每常問老父吟詩纔罷飲饌從吾欲



五言古詩

宦寓南都二首

中隱留司官案牘多逸暇吏散鳥啼時門掩碧山罅  
竭興詞墨心書繞蒯侯架漱藝述馬班傾言參鮑謝  
情遊李杜壇力控韓歐駕長日呶唔聲含毫小窓夜

其二

南國擅繁華東曹占清雅山川逼故園客邸離愁寡  
孟機憐婦勤陳牘課兒寫睠茲親誼真憬彼榮名假  
自憐麋鹿姿韜鎖只聊且每着朝衣時心旌懸綠野

過武城弔言旂

海虞產言公地靈冠南方忝余海虞人事公入鄉費  
悠悠桑梓情公魄耿未忘恃此竊遺榮武邑停來航  
冥祠慘蕭條廢院鬱彷徨風哀弦歌聲星燦文學光  
割鷄乃棲鳳萬古山川香挽公歸故園墓在虞山陽

柬友二首

溶溶一湖水隔我良友家有懷不能宣坐傍芙蓉花  
飛鳥高滅形平烟淡含霞寂寞無限意西風忽吹紗

其二



蕭蕭湖村木落盡  
清秋霜流景迤推  
輒到我髭鬢傍  
餘生能幾何  
一別十載長黃菊  
方及時請君共華觴

同隣友野步二首

以之哀時興逢山  
晚際容蕭寥方自憫  
之子適來從  
語高驚伏鳥衣  
白暎蒼松寂  
茫茫裡一聲何處鍾

又

策策晚林響幽幽  
寒水容賞愛不在眼  
沉懷渺何從  
清風吹白鶴  
適遇傍孤松  
山人適與過  
片月起孤鍾  
族姻顧姓者  
刻木肖親歌  
以獎之應其索也

丁蘭吾遠祖  
刻木我家教  
如何顧榮孫  
千載特是効  
姻黨連吾宗  
慕德各興孝  
事木如事親  
反面出亦告  
信哉天下人  
可學堯舜道

寄琴溪陳翰林

綿思熱中腸  
戚戚坐幽素  
我本濩落人  
懷君匪榮慕  
皦皦玉堂英  
詞場耀芳步  
清文炳奎斗  
貞語鏗韶護  
歡盼杳難期  
沈景颯朝露  
灑灑湖邊庄  
娟娟山側路  
孰云室是遠  
一水駛將渡  
華觴映頽頽  
何時集良晤  
待子登天行  
欲贈河東賦



寄湯方二兵曹

京師舊人來試問意中客  
明都風霜稀墮鬢亦吾白  
吏散鳥啼午馬歸山歛夕  
睠言渺余懷官職宛如昔  
接歐陽誠之書

庚辰八月閏望夕後三日  
青山澹斜陽寒林暝喧聒  
白鴈猶未南誰傳故人筆  
客稱自安成來封固膠漆  
愛至讀亦真言言宛交膝  
上言道路難下言歸休吉  
難以其性方吉以其情質  
從知管鮑交萬里默相瞻  
望望常德途烟波杳難悉  
日咀同心言陽春滿腔溢

弔高太史季迪十七韻

洪武間吾蘇長洲人修元史擢編脩戶侍  
不得其死故述彼文行而弔之

古今三文士命犯斗牛箕韓蘇及高子  
文品屹嶮嵯韓蘇多謗學高子禍益奇  
禍奇一日慘文妙百代知睠言耽爾集  
光彩紛陸離鏗錡諸古調鬼神出詩脾  
巧幹兩儀俄與冥搜萬物姿築以李杜  
壘建以曹劉麾史筆登取玉朝遷固相  
馳馳歛起雲蘿興歸遁吳淞湄俄遭阮  
錡相哭適坐嵇康悲甫年三十九令人  
永哀思



思爾生不辰元季干戈時貧立卧龍志瘦撐孤鶴肌  
千山謝卽屐數畝龐公犁人皆諂偽祿爾獨踰垣辭  
英賢吟魄在香渺復何之

季迪曾避偽  
主張士誠召

和司訓黃先生

臨清司訓黃公諱昂字御民江西豐城人

正德丁卯同考應天鄉試有藻鑑取士多

登春榜作顯官比取奉為詩魁不遂嘗對

語惜之今公沒既久追悼賦此

嗟哉我黃公豐城古名族登科為貧仕儒官稱微祿

校文入南都英雋總收錄顧子樗櫟資亦以貢黃屋

昔再過清源走謁芹池綠締結師生情緣分自親篤

學衙冷如水傾橐換醪醕各擬百年歡身事托衷曲

迄今三十春思公宛如矚襟期寬有容操履淡無欲

瘦貌群骨清柔聲百言續自茲分手餘歲候若轉燭

昨問豐城人香骸久埋玉無路酌一觴哀悰空滿腹

。西堂讀書用左太冲招隱韻二首

人生不好靜勞累空古今此理語俗子聾夫對鳴琴

群書繞幽室明窓照寒林几席見萬古歷歷升復沉



一更奇之得  
卷之二  
雖然在人境寂無車馬音春來二三鳥隔樹相與吟  
索居寡知己即此開煩襟何必毀譽徒執袂誇朋簪

其二

築室傍西園開窓對荒榛中有數竿竹可以清吾神  
佳麗不足齒所貴其趣真昨見桃李花芳菲艷前津  
萬物有代謝二氣有屈伸風霜一飄薄綺繡成黃塵  
我欲依此室靜坐觀我仁幾微苟有得瞬息皆良辰

閱縉紳一覽

每閱諸縉紳誠不過一覽自唯一覽餘榮名若秋葉  
一覽屈者伸再覽顯者闇日異月不同轉目夢中魘  
我老欲消閒此冊長在攬辟之若觀碁勝敗不驚膽  
又辟若觀戲離合不歡慘投冊坐柴門虛懷養恬淡  
黜陟勿復聞片山碧當檻

集陶寓興六首

閒居三十載游好在六經杜門不復出荒草沒前庭  
鼎上百年內庶以善自名榮公言有道緬焉起深情

其二

結廬在人境寂無行跡寒暑有代謝身遠早已白



濁酒聊可恃家貧無由得主人  
好爵吾不樂三旬九過食斯人久已死素地深可惜  
其三

夷叔在西山仲理歸大澤山川一何曠被褐欣自得  
其四

重華去我久山川無改時聊且憑化遷我今始知之  
良辰入奇懷登高賦新詩得歡當作樂逝將不復疑  
其五

榮華誠足貴壯節忽失時出門萬里客旋駕悵遲  
其六

閒居非陳厄有酒斟酌之無樂自欣豫縱心復何疑  
不死復不老淹留忘宵晨九十行帶索聊為隴畝民  
王母怡妙顏我欲觀其入翩三青鳥偃息常所親

集蘇武李陵二首

征夫懷往路恨不能辭遠望悲風至仰視浮雲馳  
山海隔中州相見未有期願言長努力莫忘安樂時

其二

行人難久留陟彼南山隅徘徊溪路側離別在須臾



昔者常相見今忽互相踰努力崇明德必欲榮薄軀

擬古四首

其一效阮嗣宗

白日垂西山明朝出東海天地無終期萬物不能待  
花生露已晞桑墟百川匯昨見朱顏酡今已霜鬢改  
盡欲登蓬瀛茫茫果誰逮

其二效阮嗣宗

長夜不成眠沉々動清瑟簷端起寒風星月照四壁  
孤鳥空中鳴百蟲時唧唧相見不可期當絃徒歎息

其三效王仲宣

薰風入南原小坐舒我心薰葭照碧水榆柳敷長林  
飛飛獨來鳥嚶嚶對人吟欲從不可得悵快寒吾衽  
翹首遠望之青山生夕陰願言此長夜得酒我且斟  
酣歌倏成夢接爾懷好音

其四效左太冲

晴陽出靈景躍金耀皇都朱門間碧戶歌舞紛相呼  
明紈拂華几行幘塞通衢戈矛談笑中紫陌生崎嶇  
奮臂辭長安滿目皆歡娛江山浩無限天地豈一隅



嗟予

多壽則多辱唐堯先覺之孔子七十三觀化隨其時  
於是聖人徒不以壽自期死生順常理弗肯偷生為  
顏子三十二朱子七十一壽兮不為欣死兮不為戚  
雖匪斯賢儔總向死時畢嗟予忝知此含笑入泉室

擬遊仙二首

肥鮮毒唇吻芳醴蠹腸腹翩翩赤松子奮然辟嘉穀  
左挹烟光紫右注澗芬綠玄鶴東南來駕言出溟瀆  
嫦娥顧我笑仙桂落餘馥回看長平徒秦兵正窮黷

其二

清風拂甘霖白日飛明雲時有滄霞者飄然謝玄纁  
丹山在密邇蔚成彩鳳文松杉結菰蒻芝蘭騰氤氳  
援鶴不屑變徑欲謁帝君願乞五龍齒空爾蟚蛄群

處世難

處世遭貧賤飢寒動悲戚伊誰如顏子陋巷轉堪佚  
自惟靈性在各一養生術營營力求富富者千之一  
屈指諸富人安得伸眉日有役猛如狼有刑利如鎖  
一飽財所供百累財所率莫若攻聖經保身安且吉



奮欲取菟科雲程杳難必有客偶得之衣繡擁鳴駟  
小則卽曹衞大則公卿秩方當得志時闊步誰敢尼  
寧知勢不常有陟卽有黜宦海沉百骸爭若歸蓬華  
得歸黜陟餘譬則花而實正宜樂田園鼓腹笑觀鉅  
却又作遠圖課子衛家室仰止吾文宣聖智復無匹  
亦謂鯉不才但以子情暱下及陶元亮古之最曠逸  
更責五男兒總不好紙筆吁嗟處世難百慮無了畢  
撥忙呼酒來得失不復詰

感懷五首

人生信如花墮地各一方彼在糞溷中此或錦繡房  
厥初同根生大造曷其別遭逢皆偶然於是始懸絕  
懸絕不足論畢竟同衰歇請君對花飲萬事任工拙

其二

孔子集大成病在未行道堯舜得大行病在子不肖  
天闕西北陲地闕東南隩惟人不忌滿而欲專大造  
勞勞身外謀百齡竟誰到

其三

蛙生途路傍喜怒何足齒楚王偶軾之傳播遂不已



麟為春秋出周道宜復始一死纔遭聖聖泣亦徒爾  
從知貴及賤莫擇行與止遇否惟其時誰尼更誰使

其四

方臯相良馬秦穆番成疑卞和獻真玉楚王刑其欺  
駑駘矜上駕珉璃誇重貨靈修遠浩蕩博塞誰又知

其五

烈烈王霸妻藐視楚相權皦皦樂羊婦金餅即棄捐  
昂滅諸男子孰若二女賢冥升狗爾慾僂媚伊誰憐

惜葵

葵花冠百卉以其開向陽向陽即向主此擬為忠良  
日來風雨多層雲蔽陽光惜彼向陽心何以得表  
錦苞且摧折不如繁草芳吁嗟忠良黨對花空感傷

七言古詩

太湖石行次高太史韻

石魂飽沁無底淵置當赤日仍垂涎岌業一片石之  
主長於太乙十丈蓮其餘環列迤相亞有如長幼各  
論年鳳翅翩翩即將舉蜂腰公眇我弗連鱗鬣  
復撐角世間果有龍在田震雷擊來松檜裂玉露滴



下芙蓉鮮正襟巍坐足或倚方趾子立顛亦員締觀  
數步轉一曲別逞竒態凌風烟痕疊出比春浪色  
色吐碧疑秋天熊罴虎踞獅子伏降威息猛隨吾有  
式是太湖同郡客自緣鄉思覺爾妍昨欲家庭設巒  
岫計一買爾先買船船行太湖八百里分明出入牛  
女邊却一爾性介不易更遭水勢磨其堅人於習染  
如此作銘自警特爾鐫還呼石丈伴我老二難四  
美因爾全平泉醒酒倘即爾只拚長醉傍爾眠

石壁為顏司訓賦

有石立壁天之半騰蒼走紫暎凌亂傳言女媧已補  
天復恐天傾特撐榦居人陋巷掛簞瓢歷井捫參肆  
真玩諸峰迫勢來翕從宛若生徒侍詩案

壽陳侍御乃堂

五雲縹緲白鶴高九霄雜還來羽旄稚川赤松分玉  
醪吹簫子晉携碧桃瑤池秋色虞城濠德星熒熒明  
錦袍王母西垂笑執翽群仙一飲空江濤膝下嬰兒  
爭鳳毫仰天追逐群仙豪繡衣赫奕冰霜操玉堂如  
水誇百曹武陵一別誰此遭集雲呼鶴鳴鼓磬



東坡文選 卷之二  
登樓賞雪篇寄張雪峰

南湖起樓高百尺飽玩虞山朝暮色陰晴萬態入軒  
櫺品較何般最竒特夜來雪氣寒壓衾夢欲看山待  
窓白登樓冒凍作急看特特竒竒數峰植或如美女  
穿碧羅昂首層霄銀點額或如端坐百歲翁白鬢鬢  
鬚纒脫幘或如綠笋高插林逐節粉痕明歷歷或如  
鼃鼃伏層淵素浪深藏微露脊雙眸不覺倦添花雪  
漸繁時山漸塞回思平日我與山頃刻定須交莫逆  
如何當此絕勝時我反與山相閉隔山耶我耶兩茫  
茫混似鴻濛天地窄孰識山靈媚我深獻技呈祥改  
常格突撐萬丈白玉屏暎掩吾儂似仙客山隈一隱  
雪峰翁此勝偏能誇獨得清冷襟懷雪可如巍峩文  
體峰之敵乃知此景即此翁翁不來兮更岑寂十觴  
孤酌破嚴寒與山與雪成三益山晴雪散景不常不  
若請翁來入席

十二辰體述懷行

吾年屬鼠今五旬一牛深耕數畝春何須虎噬恣貪  
餐兔園剪韭雨味新龍鍾老態閱人世人毒如蛇莫



能制誰知駟馬與高車畢竟亡羊何足恃所以英雄  
比沐猴我且烹鷄自勸酬門前犬吠佳客到再買猪  
肉添肴羞

青草歌

有感而作

太保封侯宰相宅畫棟飛雲恣輝赫高堂老母白髮  
黑數四綸音問朝夕候門官吏鼻不息車馬雜還勢  
如織相君忽有韓彭灾檻車復自綸音來一家萬里  
冰霜哀門前青草誰忽裁青草不與車馬爭車馬去  
時青草生隣舍承平車馬少淨掃門前無一草

二十八宿歌

霸道英雄相角力亢滿則損謙則益乃惟將相國之  
氏韓彭房杜多得失王者經綸心上起美政重輕分  
首尾箕箒得人開內治酌斗篤親行燕禮放牛歸馬  
先息兵怨女曠夫皆合并空虛倉廩設大賚顛危無  
告獲再生仰希夏禹卑宮室痛惡瑤臺與椒壁右文  
講道應奎光孝廉徵取黔婁匹羊胃無謠官爵貴七  
昂精明寡刑罪治功若此難畢陳恣似紫龜明指誨  
勿令巧佞參其中井然庶政責厥躬巧佞爲謀如鬼



蠅柳腰桃臉迷四聰睿德明明煥星日用張殺伐除  
妖孽賢良輔翼世雍熙玉軫舜琴諧鳳律

燕女吟為一女志舊作

燕都舊日長春遊佳人握手登青樓朱顏皓齒凝雙  
眸笑談盃酒鳴笙篴別離今日經三秋相逢我欲仍  
相求誰知我已非其儔往來車馬皆公侯老我非惟  
不見收閉門嫉妬真如讎公侯富貴好風流吳姬越  
女爭唱酬因緣反覆如逆郵佳人自保且不周從茲  
我亦無怨尤炎炎息寵俱浮漚

燈蛾詞

廣庭夜靜花如雪露氣淒清星彩縈燕雀眠巢蛇虺  
稀羨爾藏身已云吉高堂歌舞設華晏綵炬熒煌開  
八面餘光一點入深叢撩爾貪心悸如戰忙荒舉翼  
試一行光亦滅兮身亦傾席上諸賓皆爾笑各自如  
蛾誰自弔爭炎每每遭傾覆不似蛾心本無欲

古詩長短句

題戶部陸子齊送別圖

白雲兮山阿落葉兮江波彼美人兮離別多蒼生困



今傷如何

顧都憲宅夜宴行

東橋先生天下士政績文名駕今古昔年交誼共南  
曹一別春秋踰十五今宵恍若從天來足蹟登君舊  
堂廡新懷舊抱如海深笑指霜髯相慰撫此歡剛遇  
明月知特假清光皎於午先生道義遍交游更愛英  
賢重鄉土鄉土多英賢歷歷難縷數蔡邕王粲絕代  
才聲價煌煌壓儔伍一番竒邁信非常滿耳珠璣落  
談吐小園花影侵坐旁斜月俄聞漏三鼓主翁興未  
闌呼童進羞脯諸君倦欲辭各說功名苦我為此歌  
告諸君人世光陰類飛羽百年會少離別多况遭此  
月兼此主衆皆盡醉月欲沉星河錯落秦淮許歸家  
每夜對月時若與東橋每相覩

望山辭

吾曾祖考妣葬虞山故吾祖考永吉府  
君自號望山以表望親之心不肖奉仰追

祖德作望山詞代祖言也

朝望山兮雲白白嗟我親兮在玄宅朝來安否兮兒



不知兒腸斷兮愁脉脉夜望山兮月朦朦嗟我親兮  
在幽宮夜來定否兮兒不與兒淚竭兮悲忡忡山有  
岵兮光嶮岵兒望父兮即望岵見岵宛兮見父容幸  
我岵兮常傍戶山有岵兮青鬱菴兒望母兮即望岵  
見岵宛兮見母顏幸我岵兮常對几二親魂兮結山  
靈兒心隨兮不暫停抱此痛兮六十齡死見親兮心  
乃寧

仲鵑行

信陽戴公字仲鵑海內英賢仰如渴擢第年纔二十

餘世俗科名乃其末純心匹董子秀貌儕潘郎詩文  
字體兩竒絕一時騷客誰能當立朝乍拜司徒屬含  
香奏事多激昂亂政頻令賈誼哭抗言輒比朱雲狂  
聖皇赫怒不即斬置之卑職投遐方白水山城暫淹  
驥烏石驛舍權棲凰六年三巴曾無愠忽值明良啓  
昌運一鶴隨身別廣藩五馬專城入吳郡荊州羊祐  
等芳勲號路韓休齊令聞可惜吳氏惜寇情倏看臬  
副山東行督學聲華震齊魯適與泰岱同崢嶸我獨  
感公安交誼切憂樂相憐肝膽熱管鮑芳盟重締結君



不見紛紛輕薄市道交對面九疑爭弄謫安得我公  
居鼎鼐坐令衰世澆風輟

僅菴叟行余隱居以此自號

僅菴叟作僅菴明窓光皎潔畫棟輝朱藍曲欄徙倚  
烏帽側繡簾隱映白髮鬢長湖絕嶺無邊佳勝亘其  
北鑿池累石一派幽雅羅其南竒花異草文錦碎古  
松脩竹蒼雲曇芳開一室小如斗鄴侯萬卷藏之龕  
客曰斯庵亦富矣謂之僅可奚其堪叟也聞之忙對  
客心事悠悠為渠白吾少也賤愚且孤跼蹐塵途天

地窄年幾三十得一官不夕歸田坐岑寂岑寂令人  
多苦思每笑人情貪不息貪不息何終極帝王有興  
衰日月有盈昃何況一書生騰踪自榛棘所以常存  
止足心不遺多欲摧靈襟有官若馮唐遨遊士夫林  
不慕主父偃食鼎還烹糞有家若魯望薄田繞湖潯  
不慕董仲穎燃臍散黃金有身誰是松與喬日復一  
日娛寸陰同儕歛忽半泉壤餘生豈必憂之深更有  
諸郎繞雙膝僅以一脉承吾今陶潛責子杜甫誚何  
須慮彼亦與沉僅之為說特如是既知僅矣百無事



此庵此叟又此情造物者亦不吾忌寒且以庵藏暑  
且以庵避人知叟有庵之樂不知庵有僅之味倘來  
天運不可期時時以僅寬吾意客也聽之拜低頭贊  
曰先生可謂智

寫真行

君不見何充寫出東坡翁黃冠野服山家容又不見  
晦翁喜遇郭拱辰妙寫骨格兼風神何郭丹青總名  
筆遭迨兩翁並竒絕羨爾良工亦此儔畫品驚人皆  
吐舌嗟予林藪麋鹿姿倩君點染顏色滋儼然父母

一遺體付與兒孫百代知

聽琴行

青山之陰碧水之潄白雲寂寂茆堂迥有客如玉彈  
瑤琴上有操兮婉且深文王繫羨里孔子出龜山隍  
隍穆穆康時濟世之德音下有闕兮哀莫禁屈原行  
澤畔伯竒履霜邊悽悽惻惻忠臣孝子之衷心十指  
茫茫千古恨豈無一曲開吾襟陶潛歸去辭坡翁赤  
壁賦更有滁州記醉翁沈遵一去尋無路請君為我  
彈不休保我為君聽不誤軋軋啾啾欲鳴不鳴宛如



丁巳詩文選 卷之三 三十六  
弱妾之呈驕却乃吞詞而獻訢嘈嘈截截欲裂即裂  
更若春冰之震崩忽又激澌而轉沂一彈窓下澌澌  
來燕鶯再彈溪上皎皎翔鷗鷺無乃瓠巴子伯牙生  
果有輪迴化復此遭聖明客母是不然此山此水千  
百年山高水流各有調知音者寡憑誰傳而今此調  
屬吾子吾為吾子代以宣吾聞此言温而理復若琴  
聲在雙耳與君把酒一高歌水若山靈盡披靡

布穀謠

穀已布布穀啼夜夜四更曉啼代窓下鷄懶婦床頭

怨饒舌丈夫田畔膝沒泥膝沒泥秋風近禾黍登場  
鷄啄啄布穀一去茫無信布穀啼勞而不食情可悽

四禽言

泥滑滑山路長雨不止愁斷腸待得泥乾紅日暖豺  
虎驚人行又緩

一字至十字體自詠小樓

樓樓苟美頗幽傍嘉禾占芳陬一梯夷坦半榻優游  
地僻塵囂遠窓清翰墨稠可信庾公開興從知王粲  
銷憂數級上超遷塵跡四時中騁豁吟眸外遭圍



棟梁宅第欄前掩映花竹林丘隱几處盡欲浮雲古  
塔捲簾時綠水亂鳥扁舟總似岳陽安得希文再記  
雖非黃鶴豈無崔顥重遊


一字至十字韻自精小對

詞譜人百又幾


詞譜卷七

四會言

南湖先生文選卷之二終







十六

欲